



JU KULTURNO SPORTSKI CENTAR  
Bugojno

www.ksbugojno.ba  
e-mail: ksbugojno@ksbugojno.ba  
Nugle II, bb 70230 Bugojno

Telefon centrala - 0038730509722  
direktor - 0038730509720  
administracija - 0038730509724

Transakcioni račun 1011300000013359  
Identifikacioni broj 4236157540007

Broj: \_\_\_\_\_/17  
Bugojno, 18.01.2017.

Na temelju člana 87. Pravila JU Kulturno sportski centar Bugojno i Odluke Organizacionog odbora Teatarskog festivala BiH FEDRA donesenog na sjednici 18.01.2017. godine sa 18.01.2017. prestaje da važi Pravilnik koji donesen 09.01.2009. godine a punovažan postaje ovaj pravilnik u koji su unesene sve izmjene usvojene na sastanku.

## PRAVILNIK

### Teatarskog festivala BiH FEDRA Bugojno

#### I. Opće odredbe

##### Član 1.

JU Kulturno sportski centar Bugojno u okviru svoje djelatnosti organizira Festival pod nazivom „Teatarski festival BiH FEDRA Bugojno“.

„Teatarski festival BiH FEDRA Bugojno“ je sljedbenik Festivala dramskih amatera BiH – FEDRA.

U zvaničnom nazivu Festivala stavlja se redni broj festivala koji se održava tekuće godine i godina na kraju naziva Festivala.

##### Član 2.

Ovim Pravilnikom uređuju se osnovna pitanja orgaizacije i djelovanja „Teatrskog festivala BiH FEDRA Bugojno“, a naručito:

- vrijeme i mjesto održavanja
- način izbora i utvrđivanja liste predstava
- upravljanje i vođenje Festivala
- nagrade

te ostala pitanja značajna za održavanje Festivala.

##### Član 3.

„Teatarski festival BiH FEDRA Bugojno“ je tradicionalna smotra neprofesionalnih (amaterskih) formalnih i neformalnih teatarskih grupa iz Bosne i Hercegovine u svrhu popularizacije dramske umjetnosti i prikazivanja najboljih ostvarenja neprofesionalnih teatarskih grupa u Bosni i Hercegovini.

##### Član 4.

„Teatarski festival BiH FEDRA Bugojno“ nema status pravne osobe i u pravnom prometu se ostvaruje kao dio programa rada JU Kulturno sportski centar Bugojno.

### **Član 5.**

„Teatarski festival BiH FEDRA Bugojno“ održava se svake godine u periodu od 01.06. do 20.07. i traje 8 dana. Tačan datum održavanja Festivala svake godine utvrđuje Organizacioni odbor Festivala.

### **Član 6.**

Predstave se realizuju u Pozorišnoj dvorani KSC Bugojno i Maloj sali ili na nekom drugom mjestu u gradu ukoliko se o tome usaglase izvođač i organizator.

### **Član 7.**

Troškovi Festivala se raspoređuju na:

Organizator:

- Troškove pripreme i marketinga Festivala
- Troškove boravka učesnika na Festivalu, najmanje 1 puni pansion za ansamble koji su udaljeni najmanje 100 km od Bugojna a ručak i večeru za ansamble koji su udaljeni manje od 100 km od Bugojna (u slučaju da ansambl broji više od 25 članova Organizator zadržava pravo da plati boravak samo za 25 članova ansambla)
- Troškove boravka na Festivalu za po 2 člana ispred svake teatarske grupe za vrijeme cijelog trajanja Festivala – puni pansion koji učestvuju na radionicama.
- Troškove radionica, tako da učesnici radionica ne paraticipuraju u tim troškovima.
- Troškove Selektora izuzev putnih troškova prilikom obilaska predstava.
- Troškove Stručnog žirija
- Troškove nagrada
- Troškove moderatora okruglih stolova
- Troškove boravka članova Festivalaskog umjetničkog vijeća u Bugojnu prilikom održavanja sastanaka.
- I sve druge troškove koje nemaju direktne veze sa učesnicima Festivala i njihovim potrebama u izvođenju predstave.

Učesnici:

- Troškove puta za učestvovanje na Festivalu
- Troškove puta za članove Festivalaskog umjetničkog vijeća prilikom održavanja sastanaka.

## **II. Festivalski odbor i vijeća**

### **Član 8.**

Organizacioni odbor Festivala sastoji se od 11 članova. Po svojoj funkciji članovi Organizacionog odbora su:

Iz Kulturno sportskog centra Bugojno:

- Direktor JU Kulturno sportski centar Bugojno
- Predsjednik UO Kulturno sportskog centra Bugojno ili član UO KSC na osnovu odluke Upravnog odbora KSC Bugojno.
- Tehnički rukovodilac u Kulturno sportskom centru Bugojno

- Sekretar JU KSC Bugojno ili Administrativni radnik

Iz Teatra FEDRA Bugojno:

- Predsjednik UO Teatra FEDRA Bugojno
- Predsjednik Umjetničkog savjeta Teatra FEDRA Bugojno

Iz općine Bugojno:

- Načelnik općine Bugojno
- Predstavnik službe za kulturu u općini Bugojno

Iz reda građana:

- tri člana iz reda građana po prijedlogu i odluci sktuelnih članova OO

### **Član 9.**

Na svojoj prvoj sjednici Organizacioni odbor bira svog predsjednika prostom većinom.

### **Član 10.**

Organizacion odbor Festivala obavlja sljedeće zadatke:

- Imenuje direktora Festivala
- Na prijedlog direktora Festivala usvaja Finansijsku konstrukciju Festivala
- Predlaže direktoru Festivala određene dopune u organizaciji Festivala.
- Na prijedlog direktora usvaja operativni plan za realizaciju Festivala.
- Razmatra izvještaj o realizaciji Festivala.
- Na prijedlog direktora Festivala bira Izvršnog producenta Festivala.
- Usvaja izmjene i dopune ovog Pravilnika

Za punopravno donošenje odluka OO potrebno je prisustvo proste većine od ukupnog broja članova.

Odluke OO se donose prostom većinom.

### **Član 11.**

Direktor Festivala obavlja sljedeće zadatke:

- Predlaže Organizacionom odboru finansijsku konstrukciju Festivala
- Predlaže konačni program Festivala u okviru sredstava koja su osigurana.
- Predlaže Organizacionom odboru Operativni plan za realizaciju Festivala
- Određuje redosljed izvođenja predstava.
- Izrađuje marketinški plan Festivala
- Organizira smještaj učesnika Festivala
- Organizira uvjete za nesmetani rad selektora i žirija
- Samostalno bira stručne saradnike za realizaciju Festivala (Urednika kataloga, Urednika Biltena, Suradnika za rad na marketingu, Suradnike za tehničku realizaciju Festivala)
- Koordinira rad stručnih vijeća Festivala.
- Donosi odluku o izboru selektora Festivala i žirija Festivala na osnovu prijedloga Festivalaskog umjetničkog vijeća.
- Dostavlja izvještaj o realizaciji Festivala Organizacionom odboru Festivala

- U slučaju da Festivalsko umjetničko vijeće ne predloži određene kandidate za selektora i stručni žiri na vrijeme, samostalno donosi odluku o imenovanju selektora i stručnog žirija.

#### **Član 12.**

Festivalsko umjetničko vijeće „Teatarskog festivala BiH FEDRA Bugojno“:

Po svojoj funkciji članovi umjetničkog vijeća su:

- direktor Festivala
- direktor JU Kulturno sportski centar Bugojno
- Predsjednik US Teatra FEDRA Bugojno
- Predsjednik UO Teatra FEDRA Bugojno (Partner u organizaciji Festivala)
- Po jedan predstavnik članova učesnika (sedam predstavnika učesnika takmičarskog programa) sa prošlog Festivala kojeg delegira učesnik.

#### **Član 13.**

Članovi Festivalskog umjetničkog vijeća na svojoj prvoj sjednici biraju predsjednika Festivalskog umjetničkog vijeća iz svojih redova.

#### **Član 14.**

Festivalsko umjetničko vijeće obavlja zadatke predviđene ovim Pravilnikom, a naročito:

- predlaže selektora za tekuću festivalsku godinu
- predlaže sastav žirija za tekuću festivalsku godinu
- predlaže izmjene i dopune ovog Pravilnika
- u javnim nastupima, pojedinačno i kao Vijeće promoviše „Teatarski festival BiH FEDRA Bugojno“
- predlaže susrete, razgovore, radionice i okrugle stolove koji će se održati u sklopu „Teatarskog festivala BiH FEDRA Bugojno“
- predlaže sve popratne manifestacije u toku održavanja Festivala.

Za donošenje odluka potrebno je prisustvo proste većine od imenovanih članova.  
Odluke se donose prostom većinom.

#### **Član 15.**

Festivalsko umjetničko vijeće, pored redovnih sjednica, obavezno održava izvještajnu sjednicu.

Izvještajna sjednica mora se održati najkasnije do marta tekuće godine za Festival u prethodnoj godini.

## **II. Pravo prijavljivanja i sudjelovanja**

#### **Član 16.**

Pravo prijavljivanja i sudjelovanja na Festivalu imaju sve neprofesionalne formalne i neformalne teatarske grupe iz Bosne i Hercegovine.

U glumačkom ansamblu mogu nastupati i diplomirani glumci s tim što u ansamblu mora biti više od 50 % glumaca amatera.

Studenti Odsjeka gluma sa treće i četvrte godine se ne mogu tretirati kao glumci amateri.

#### **Član 17.**

Predstava prijavljena na Festival mora biti izvedena u službenoj koncepciji i postavi izvođača kakvu je posmatrao Selektor Festivala.

Prijavom na Festival, prijavitelj ovlašćuje JU Kulturno sportski centar Bugojno da može bez posebne dozvole prijavitelja ili trećih lica, koristiti materijale prijavitelja u svrhu marketinga i pružanja informacija u svrhu realizacije Festivala.

Organizator Festivala nema obavezu da vraća materijale koji su dostavljeni prilikom prijave na Festival.

#### **Član 18.**

Teatarske grupe koje su se prijavile na Festival obavezna su, u dogovoru sa Selektorom Festivala, uvrstiti prijavljene predstave u svoj repertoar igranja, kako bi Selektor mogao doći pogledati predstavu i eventualno je uvrstiti i Zvanični program Festivala i to u razdoblju od 15.03. do 15.05. tekuće godine.

Teatarska grupa snosi troškove dolaska selektora da gleda predstavu.

Teatarska grupa može, u izuzetnom slučaju prijaviti predstavu i dostaviti snimak predstave na DVD ukoliko Selektor ne mogne doći da gleda predstavu ili iz nekih drugih tehničkih razloga.

### **IV. Selektor Festivala**

#### **Član 19.**

Selektora Festivala imenuje Direktor Festivala iz redova istaknutih teatarskih radnika, a na prijedlog Festivalskog umjetničkog vijeća i to najkasnije do 15.03. tekuće godine.

U svom radu Selektor je upotpunosti neovisan.

Selektor ne može izabrati dvije predstave iz jedne teatarske grupe.

Selektor može izabrati jednu predstavu teatarski grupe u vlastitoj produkciji i predstavu koja je rađena u koprodukciji sa drugim teatrom.

Selektor u Zvanični program mora izabrati sedam predstava i može predložiti Organizatoru dvije predstave za prateći program.

#### **Član 20.**

Selektor Festivala je obavezan do 20. maja tekuće godine Direktor Festivala i Festivalskom umjetničkom vijeću dostaviti svoju odluku.

### **V. Stručni žiri Festivala**

#### **Član 21.**

Direktor Festivala na prijedlog Festivalskog umjetničkog vijeća imenuje Stručni žiri Festivala najkasnije do 01.06. tekuće godine.

Ukoliko se od predloženih kandidata ne može imenovati žiri zbog njihovih obaveza, Direktor Festivala ima pravo samostalno imenovati stručni žiri.

#### **Član 22.**

Stručni žiri Festivala ima 3 člana.

Članovi Stručnog žirija samostalno biraju svog predsjednika i utvrđuju način rada i odlučivanja u skladu sa pravilima ovog Pravilnika.

#### **Član 23.**

Članovi Stručnog žirija su obavezni pratiti izvođenje svake predstave na Festivalu.

#### **Član 24.**

Nakon izvođenja posljednje predstave Stručni žiri je dužno se sastati u punom sastavu i donijeti odluku o nagradama.

Dodjela nagrada održat će se posljednjeg dana Festivala i tom prilikom će se održati predstava izvan konkurencije.

### **VI. Žiri publike**

#### **Član 25.**

Direktor Festivala na prijedlog Umjetničkog savjeta Teatra FEDRA Bugojno imenuje Žiri publike.

Žiri publike ima najmanje 5 članova.

#### **Član 26.**

Žiri publike na svom prvom sastanku bira predsjednika.  
Žiri publike odluke donosi prostom većinom.

#### **Član 27.**

Članovi Žirija publike su obavezni gledati sve predstave u zvaničnom programu i obavezno prisustvovati okruglim stolovima.

#### **Član 28.**

Žiri publike dodjeljuje jednu nagradu. Nagrada za najbolju predstavu po odluci žirija publike.

### **VII. Nagrade „Teatarskog festivala BiH FEDRA Bugojno“**

#### **Član 29.**

Stručni žiri dodjeljuje ukupno 10 nagrada. Obavezno uključujući:

- Nagradu za najbolju predstavu u cjelini
- Nagradu za najbolju režiju

Nagrade za najbolju predstavu i najbolju režiju su nedjeljive.

Ostalih osam nagrada Stručni žiri treba dodjeliti po svom izboru u ostalim kategorijama:

- najbolja muška uloga
- najbolja ženska uloga
- najbolja muška epizodna uloga
- najbolja ženska epizodna uloga
- najbolja scenografija,
- najbolja kostimografija

- najbolja muzika
- najbolja kolektivna glumačka igra,
- najbolji mladi glumac
- najbolja mlada glumica

ili za neku drugu kategoriju ako žiri smatra da se više istakla od navedenih ali ukupan broj dodjeljenih nagrada, uključujući i nagradu za Najbolju predstavu i nagradu za najbolju režiju, ne smije biti veći od 10.

Osim navedenih nagrada Stručni žiri ima pravo dodjeliti i tri DIPLOME kao pohvalu za određene kategorije po svom izboru.

#### **Član 30.**

Nagrada za najbolju predstavu se sastoji od replike „Bugojanske maske“ i novčanog iznosa od 1.000 KM.

Nagrada za najbolju režiju se sastoji od diplome i novčanog iznosa od 600 KM.

Ostale nagrade su plakete bez novčanog iznosa.

### **VIII. Javnost rada**

#### **Član 31.**

Teatarske grupe čije su predstave uvrštene u program Festivala primaju na znanje i sporazumna su s time da će JU Kulturno sportski centar Bugojno, u okviru programa Festivala, održavati okrugle stolove, razgovore, davati informacije medijima radi prezentiranja javnosti, te da će dijelovi predstava biti snimani za potrebe radija, televizije i web stranice JU Kulturno sportski centar Bugojno, te se odriču bilo kakvih potraživanja za navedene aktivnosti.

#### **Član 32.**

Rad Festivala je javan.

Informacije i podatke o odvijanju Festivala daje Direktor Festivala i osobe koje on za to ovlasti.

#### **Član 33.**

Ovaj Pravilnik je prihvaćen od strane Organizacionog odbora Teatarskog festivala BiH FEDRA Bugojno na sastanku održanom 18.01.2017. godine i može se mjenjati od strane Organizacionog odbora na prijedlog direktora, članova OO ili prijedlog Umjetničkog savjeta ili učesnika Festivala.

PREDSJEDNIK OO  
/ Hasan Ajkunić /